

晚晴移詩匯卷七十一目錄

劉綸 十首

潘安禮 一首

諸錦 十六首

于振 一首

杭世駿 四十五首

楊度 一首

陳兆崙 十七首

劉藻 六首

沈廷芳 四首

陳士璠 二首

齊召南 十三首

周長發 六首

朱荃 二首

張漢 三首

晚晴移詩匯卷七十一

徐世昌

劉綸字晉涵號繩庵武進人諸生乾隆丙辰召試博學鴻詞授編修官至文淵閣大學士贈太子太傅謚文定有繩庵內外集

詩話文定家本舊聞力學敦行舉鴻詞第一致位宰輔風度端謹與諸城劉文正同在政地負一時清望人稱南北劉中堂以擬明之三楊居憂歸里不乘輿名東不作大字尤廉介至老無第宅後人賃屋以居初試日賦題五六天地之中合日未午最先就張文和監試取其卷朗誦以式多士詩題山雞舞鏡世傳關字韻羣推其工雅茲從集中得其全篇錄此詩曰文禽自是饒珍致舞入銀華意更間乍啟雕籠驚的爍旋開寶匣訝粲編窺奩尚憶寒潭上拂綬還疑夕照間似擬投林齊戩戩可能對語便關關風翻錦翼才飄袂日映花冠更整鬢垂手婆娑矜獨立回身綽約喜雙攀七轡縱說當筵易百疊應知赴拍艱此日遷鶯同出谷當時介雉共樓山稻梁不分爭先啄相棘何心梅久陸虛翠乍交宮樹色空花徐蹠苑苔斑

月明漫繞依枝鵲雪滿徒迴失素鵬
冰鑑倘容長耀采微翎雖倦豈知還

窩集行恭和聖製元韻

一髮無崇岡一掌無大陸美哉洵吉林得地皆灌木木生
太古閱世頻有若鼻祖見耳孫號爲窩集鉅細別茲山絕
特尤離羣傍崖誰闢土囊口巨靈前驅五丁後密蔭翩疑
鸞鶴停繆枝瘦似蛟蛇走爾時霜氣道紅青倪黃小稟無
能名又如擁塗萬旂纛靈威護輦良可徵清音上度迦陵
鳥遙光下發岱輿草脫葉羅疎訝雨花馬頭亂點人爭道
虛翠沾衣不知處蒼荀優曇本無樹兩丸日月東復西溟
濛一炁惟仙霧春秋八千孰推此眾香國擬無遮比不材
木植何有鄉大海微漚能著幾就中松塔多離奇巍巍七
級知誰爲盡斫根柯求粟粒落實棄材奚取斯出山共詫

鬚眉清袖中
謾謾天風聲
佳境目食苦
難寫齷齪空
慚拾橡行

曉行恭和聖製元韻

黃燾舒舒送曉晴
鷓亭高下辨初程
風前馬意歸途熟
雪後山容客眼橫
半塢綠陰新樹暗
三竿紅日遠帘明
扈游物色真如畫
畫裏還教覓句行

唐時回銅器恭和聖製元韻

高衡敦高廣槃
匝回部初通紀
範時今日爲收甌
脫兆當年或蹇蹠
林遺兩言已可雷
紘辨九譯猶難鏤
錯知效費應同帝
青鉢俘餘金像薄
車師

題惠山僧明中湖干送別畫

南游不得意
秋色滿湖濱
別袂千衰柳
歸帆一斷雲
山僧

新粉墨倦客舊知聞誰付性公法鑪灰換夕熏

撲滿

瞻其腹緘其口上如覆盎下如日匪卮而漏餅而守小兒
寶之比錢藪使我空囊日見醜瘦妻笑撲手急爲小兒剖
今日儼饑餽飽飢百不有他日逡巡與耶試取酒漢銜前唐
甌後肖物于茲得八九那知周廟間欹器垂銘久格人元
龜甯爾咎且待朝來廩餼關恣爾高擎畫叉走

望繇山

落日在馬首山色青繇繇上有禁煙樹下有旌善田五蛇
一乾腊明信夫何愆遺榮怨未平矯時或過焉我欲望南
山徑路抑已偏我欲望北山猿鶴還可憐不才愧持祿文
身以貪天振策遵前途空歌招隱篇

折柳歌送從叔穰滕先生之粵東幕

折柳復折柳柳凍不成條
埃亭風雪斷行跡何來一騎隨
盤雕前年蜀岡今海徼
有家如寓還空僑到門空博兒女
笑慳囊不救長嘯號袖中漫滅貴人刺
嫁衣辛苦酬知交
校勘曾從流內選選人持牒騰呵嘲
搖頭聳肩服詩械之才豈合供僉曹
僉曹未得求幕僚庶下息息重打包
我聞羅浮之山足仙種麻姑五色裾
飄飄又聞合江之門富嘉樹玉奴雪肌
開絳綃先生壓裝紗長物壯游萬里收
吟瓢趙尉叢臺已砂礫虞卿別苑仍蓬蒿
韓公蘇公不可作殘碑剩碣留爬搔
依人自古無特操履綦喜伴仙人喬

時與定安

王麗三
明府偕行

惠州飽飯洵可樂
蠶船試采珠孃謠

浮漚篇同宗室塞曉亭閣學賦

銅虬咽清響驟雨鳴濺濺攬衣循廣墀寂照生寒煙乍疑
玉女箭當窗逞駢闐旋訝鮫妾珠入掌爭蟬聯因風倏變
現幻影相負緣我聞香海潮迴一彈指三山浮動驚頑仙
以無明故作水觀畫空得界成中邊本來無受詎有觸物
間之物圓間圓針鋒粟顆絕思議印可未得知聞懸妙手
頰公碎虛白覆杯滌盡劫堂甑晶簾高軸玉壺淨照座但
有真如篇

王文成斷碑硯歌

談兵早佩威甯劍謫官獨抱端明硯端明匪硯是斷碑割
剩天邊紫雲片十二字餘墨妙詩節角依然露生面丞哉
丞哉定誰負鐫名鈐印相矜銜蠻煙瘴雨久沈霾重捫十
指精神見乃知古之學道人定力非關出研鍊君不見江

冠峩峩逢掖謝表襮堵牆橋門列觀聽動飛躍文翁圖禮
殿方此猶寂寞朝旭射棠梨清光蔭松柏稽古觀車服遺
跡懷履舄琬琰堂塗碑肉好宗廟壁瑚簋邊豆登尊罍彝
洗濯灑離莪馨巢籥箜篌箛篥目鱗之而牙羽筍簾業
摩挲彝鼎彝淳古鏤金錯忽于重檐下十鼓煥丹腹其形
像古礎其色類深墨其圍倍膚寸其修崇二尺其一列中
央半體不覆幕有如無足錡左右曾采芼其九互行列耦
俱善標格有如瞿容容貫坐慰離索宛虹尾卷舒瓊樹柯
連屬鸞鳳騫復留虎駁怒欲脫鐵絲妙縈盤蓐菜垂絡繹
活師戲食水肥遺出渾夕疎如屯千騎密不容一髮不可
意減增諸天方丈室不能評肥瘦豐肌細腰匹長短本自
然足鳧與脛鶴東西兩得勢越阡兼度陌百幅百碑磔一

字一縑帛治水已淪胥吉日付飄泊衛州銅盤傾延陵墓
碣剝詛楚復何有宣和空寶惜獨此表中與大蒐深刻石
瓌瑋誰鑄辭傳是史籀作尙想周宣王功德南海薄江漢
常武詩車攻六月什仲山以袞補方叔以亂撥張仲善孝
友吉甫詩孔碩程伯整六師召公洽四國載誦鴻雁篇度
比金玉式勳勞宜有頌貞珉代典籍不有秦嶧山野火焚
石闕德薄其文慚合爲天所撲誰夫證斤權毆烝太穿鑿
薺堂斷宇文如以瞽手摸叩槃捫燭見考據都未確詞嚴
不可刪風味加質慙轉注潘鄭薛其書愈噩噩區區君庶
柳何足窮狀貌表之自蘇勗得韓乃煜爚宛陵倍雷碾眉
山益恢廓我思昌黎翁所見僅紙拓闌風長雨夜豐草深
擦藉疲行人坐尻掉尾牛礪角蝸涎腥點點原燎炎熇熇

鼓兮獨無恙倘有神物護鳳翔收餘慶五代更流落賴有
司馬池太廟十駝橐南渡委草菅鉤金棄若若道園端好
古收拾絲纏珏大厦廣與庇石闌周與絡椎搨所不到講
切手磨琢入門探古物疑義發先覺鼓兮何淒涼顯晦亦
凡數譬如清流濟湫見至綿邈譬如延平劍會合固如昨
星霜更幾劫靜正抱塞謬顛蹶任羸劉聚散無主客菁英
不銷亡著述欣有託名世五百年皇帝億萬朔河鼓正吐
芒九鼎飛出洛天苞與地符諸福休徵各豈止翩翩鳴岐
山一鸞驚風雲際時會喜起昇平樂文德書鍾彝武事鐫
鉦鐺征伐表鉞旄蒐獮樹山嶽文章稱爾雅訓詞汰糟粕
深厚追典誥詰曲妙咀嚼莫以鼓不鳴試取蜀桐斲叩之
定有聲淵淵配韶濩我衰筆力退分量不自度畫墁媿平

生鏤冰笑一握生涯甘冷淡委順忘美惡行書類蛇蚓喜
愠付鴉鵲夙昔慕韓蘇兩詩比瓊玉韓如受降城高堅絕
繩削銳師一昔至唾手鷲鶴捉投蓋懸布勇匹馬隻輪掠
依方立硬寨健筆誰敢搦蘇如大洋海溟渤猶灑潏迴瀾
吹紫氣坐見蓬瀛卓鉅若蛟龍吞眇若蝦蟹搨不害其洪
流盛氣不可輾捧心龕效顰快意過獵較誰云寶燕石祇
可自娛樂劉案作封事三日雪漠漠微詩遜才壯寄語李
百藥斗轉纔三更瞻仰雲漢倬

誄字

義農巢燧几遽時結繩龕設民恬熙爰有蒼頡字以孳蚪
莖籀篆開邈斯偏旁點畫濡淋漓象形轉注隨時施離者
使合合者離奇者使耦耦者奇鄰里配合各有宜插以齒

作以之而或喜而笑愁而悲上薄雲漢下泉達內自宮壺
達四夷保氏揮人象胥司連綴以文屬以辭六經不做爲
世持鴻濛九天雲下垂佐以志史公無私日月所燭無蔽
虧外則子集精華摛如江淮河有析支名山金匱柱下披
天府聖域琳宮碑金銀珠玉漆隄麋光明相好無瑕疵威
如彤庭肅冠儀鏗如孔壁鳴金絲雄如百獸懾神獅麗如
春花逞媚姿健如游龍來委蛇凝如帝釋天人師偉哉正
正兼奇奇一或失所逢百罹蟲鼠剝齧刀筆遺水火木石
金銷治離析身首嚼膚肌臧獲苞苴孩穉嬉錯莫銷蝕無
光曦遇非其耦災棗梨一唱百和交相嗤幽光闕遏人莫
知眼明未及沙鷗鷁有聲夜中淚漣洏激爲電雹風雷馳
光怪閃爍飄雲旗叩虛責有如嗟咨我爲敷衽前陳詞造

物培覆功不尸倭成倭毀喜愠誰魂氣恂悅無不之碩儒
良史實在茲背而馳之悔莫追鄙倍調佞不可爲亟旋面
目揚須眉羣分類聚無磷緇高墳三尺體魄綏我作汝諫
涕交頤骨肉歸復生有滋斗魁戴筐連尾箕爛爲星辰拱
帝墀

望嶽

天開地闢鬱鴻濛作鎮河山大小東絕頂搏風須九萬崇
朝出雨徧虛空高標衡華嵩恆上世閱齊秦漢魏雄南望
羣峯爭絡繹一如江漢識朝宗

宋故宮梅石歌

芙蓉石一枚又藍瑛圖梅影石壁今志館開局在此

華陽宮成狄難起壽山良岳溝中委海棠龍柏摧爲薪絳
桃垂楊半成杞二蔡二惇未厭亂厲階誰生勗父子崩騰

靖康互絡繹淒涼南渡開基趾傷心細柳與新蒲滿眼殘
山兼剩水六百餘年過故宮尙存一片青芙蓉梅花蝕盡
空餘影劫殘曉月凌霜冬零星石柱見古礎槎枿枯樹含
悲風冥冥黑水青楓道杜鵑嘯兮山鬼笑青城寥廓雪窖
深一枝冰玉同誰照冬青陵攢已無樹蒼梧路長不知處
惟有長編纂輯餘一抔義士懷終古瑛乎瑛乎吾語汝所
南之蘭已無土石不能言花解語

暑退坐月

火龍杳不知何處遺卻領間一顆珠掛向碧虛探不得老
夫胸次在冰壺

聽客談武夷山之勝

傳說錢鏐王子騫賓雲遺構落人間乾魚漢祀何年始遺

蛻巖阿不可攀，權轉菜瓜葵。六曲徑無蛇，虎雉三班祇。應借我虹橋板，左摘星辰右控鸞。

隆興寺大佛長歌

像治銅爲之，長七十有三尺，臂四十一，有二架閣三層，週遭轉梯而上。

滄師子定翠堵，波弁此菩薩稱我。我七十三尺軀，不矧層
枕傑閣俯委蛇，橫睇三晉弁兩河。彷彿蔥嶺來蓬婆，此寺
經自開皇馱。周顯德毀像亦蹉龍，興龍藏知無他。隋張公
禮書不磨我朝，聖祖揮天戈。大書隆興抵孽窠，上覆棟
宇下蟠鬣。豐碑御製乾隆哦，維佛之國金接莎。四八之相
高哦嗟，曾聞梵夾毗舍婆。由旬二十五更過漢嘉，彌勒夫
如何鑿山千尺信，可詫新昌吳越崇。釋迦萬家膏血助，無
那哀哉下民死，枉瘥藥艾鬼母鴛。崛魔毒灼臙，剗別攀癘
有臆難對張口吐，離生別死哭鬢皤。鮑出不遇人爲犧，啖

人之賊虎牙，劇至聖中國。生人痾，雉離兔脫寐，無叱坤德。

何故鍾么麼，仁哉太守勇。番番謂卽墨郭公廷肅繡衣侍御立，諫

坡謂桐城方公世儔天子可奏馳，傳騶汝臂六七母。陀羅大威神

力，抉象駝彼吞黃小。如蝦羸孰提孰出孰撫摩，孰取弊人

搏，雷嗟孰取赤子完。錫綱孰窮溺惡焚，觸嗟孰披寨穴清

江沱，神獅一吼毛脫驚。木夫士伯強于難，驅囚繫度索山

阿蒼蒼，薄薄平不頗。天下有道由庚歌，北極祝粟南牂牁

遠行不煩吉，日職手中不勞持。斧柯熙哺作息言，無訛慈

悲大雄同一科，不爾便合麵身。邁顛踏死喪亦孔多，香煙

熏染唯嬖嬰。天寒燒取不用訶。

青芝塢弔鮑西岡墓

聯吟官解劈羅箋，十月分司寄惠泉。令嘉興日蒙致羅身

後幽宮原得所當時采地鮑家田

墓傳吳越相鮑慶臣采地

叫羣孤鴈嗷嗷北拂面清風習習南誰寫詩人循吏墓巉

巖一片表無慙

于振字鶴泉金壇人雍正癸卯一甲一名進士授修撰

改行人乾隆丙辰召試博學鴻詞授編修歷官侍讀

學士

隨扈東巡盛京

雉堞崢嶸杳靄間睿謀握勝控雄關南臨渤海兼遼海東

接松山與杏山應運功成遺壘在太平日久戍樓閒卽今

雞犬桑麻地饗蜡吹豳自往還

杭世駿字大宗號堇浦仁和人雍正甲辰舉人乾隆丙

辰召試博學鴻詞授編修有道古堂集

王蘭泉曰堇浦先生入翰林未久卽以言事罷歸沈
文慙公送之有句云鄰翁旣雨談牆築新婦初婚議
寵炊蓋深惜之旣歸益肆力於詩古文詞海涵地負
日光玉潔實足以雄長藝林兩浙文人自黃梨洲先
生後全謝山庶常及先生而已袁子才曰堇浦先
生詩以嶺南集爲生平極盛之作題陳元孝遺像五
首悲涼雄壯恐非樊榭寶意所能吳退庵曰雍正
己酉壬子乙卯三科鄉試聘鄰省舉人同考堇浦曾
充福建壬子同考官旣入詞館校勘武英殿書籍纂
修三禮義疏會下詔求直言遂疏陳四事下吏議落
職後迎駕湖上賜復原官高廟巡塞外嘗於馬上
微吟含風葦露清于染過雨山痕淡似詩二句願謂
從臣曰此杭世駿詩也先生於詩用功深
嘗曰吾遇韓杜當北面東坡則見事之
詩話堇浦才力雄贍著述最富旁及繪事蕭穆疎粹
獲咎還過津門查蓮坡贈之詩云致身直是忘新進
得罪終蒙宥小臣晚自號秦亭老民欲補金史嘗構
亭曰補史袁簡齋挽詩云橫衝一世談天口生就千
秋數典才其題獨漉像五首今嶺南集
未收殆梁山舟刻集時有所遺忌刪之

雨過淨慈寺契原山堂聽嶺雲上人彈琴

蕭條杪樾林一雨轉清絕穎師淨名室孤影澹行迹稜稜

木葉衣瘦骨遮不沒餘事出聲聞結想沙林樾散作一指
禪觸響動超忽七條泠泠絃不與山水隔晚花萎無香幽
徑豔還滅天高風露澄戒縛破枯寂潭潭木石心鉤撥見
古拙老猿躡月聽遙峯墮空碧

送同年金銜之東昌

相守無歡惊送子走馬去青棗不著花纂纂在高樹赤心
持奉子將子尙無吐布褐有石交簪帶少肺附神明旣不
關歡謔又何助陳人負屯骨握鑿定溝渚薄植期前修驚
足切遐慕回首一蹉跌萬事歎錯迕期子金石堅欽子文
章富惜子遠行邁鬱勃發奇趣鵲山秋在朝華不秋在暮
朝暮鵲華間秋色眉稜度灑詞搜清寒渺渺澹思慮維予
磚瓦姿礪砢擲霜露誰能不雕厲輾轉自耽誤誦子歷下

詩得陰雨恐懼潘生龍無近情此意或可語索米良以艱
寄食豈容屢久羈童僕疑習見親暱數九十月之交余亦
奮南翥

酬丁處士餞送江口

娟娟隔岸山厯厯臨江樹搖搖獨客心漠漠沙洲渡褰裳
送行舟勞子遠來走去住各艱辛川涂莽回互征僑嗟不
逢芳華悵遲暮了思良會難始省初心誤紆威入晚煙不
辨煙中路飢禽解笑人投老去邱墓

越秀山懷古

峩峩越秀山千古閱興替臺隍夷夏交月表秦楚際緬維
老夫佻荆棘此翦薶中原方逐鹿兵甲惜勞弊從容得關
疆屈疆遂稱帝帶海爲藩維葦山作屏蔽不知漢廣大頗

日知錄卷一百一十一
三
恃兵鋒銳卓哉陸大夫一語豁蒙臆稱臣請內屬蹶起解
椎髻朝臺壓闔闔奕世永帶礪牝晨誤遠圖煽處乏調劑
戈船下牂牁一往失重閉險設釁可乘時衰力能制始知
開國人貶損有深計清朝息金革曠宇喜開霽秋風吹餘
花孤客恣幽憩日落樹盤鴉潮來城上蠓江天雨蒼茫俯
仰供流涕岩堯腐史筆憑弔落荒裔

中宿峽

江流無直波造化妙融結凝此秋一灣知幾翠屏折叢蘆
窈然青危石蠢爾凸豈愁頑蛟蹲到寺漸奔泄羣峰密構
接高蹠忽踏裂虹梁軼天半壘石補空缺千夫挽長棹哀
過嘯猿切迢迢孤蓬眠況有萬里別

大廟峽

亭午泊中宿已信江路陜斜陽弄曛黃迤入大廟峽攬潯
幾派衝巖嶮兩峰夾橫厓窺客舟仰首黑雲壓頗疑蛟龍
宮石柱顛倒插怪石巧遮攔層遞儼置島緣坡被苔茅過
嶺叫鷓鴣冬江風景殊喜值我來恰舟師仄足行背纜貼
山脇捷如倒飲猿肩臂自相接須臾下平岡出險才一霎
平生慕飛仙焉得終日挾

滇陽峽

滇水從西來苦被山勢縛兩厓峙蒼深巨石互綿絡猛力
不得騁出坎仍踣躍縱橫漫晴沙漸復展肩膊坡陀排劍
鋒十步九咋嶮豈煩靈胡劈頗費鬼斧削川涂信知艱妙
景本不惡盤渦篙力微轉瞬幾錯愕驚波濺蓬窗因險轉
得樂懣魂久始甯且就沙際泊

彈子磯

數峰卧未起一峰蹶然與團團歛珠規激激經玉繩遂令
一卷石乃得彈子稱堅刃削積鐵壁立不可升刻畫出眾
皴細路生榛芳壓江始訝黑窺艦俄愁崩輕柔不敢踏何
況摩霄鷹晨機凌浩渺萬象資憑陵擡頭憚險艱履薄增
凌兢卧思飛仙才與至何難登袖中蚪蚪字拏攫工鑄騰
諦觀仍蕩蕩大笑同蒼蠅

城南紀游

崇聖院

香林出抱流竹戶晝常闔枯磈一杓橫清陰萬竿納行逢
幽鳥喚徑屢黃葉踏古柏兩離立蒼色照壞衲植根忠孝
王厯八百腹臘孤筠倚檐空忍草到階合瘦句傳惠洪餘

韻尙繞榻緬懷締造初辛苦把茅搭佛髻不受塵禪枝穩
棲鴿寒煙冒蔬畦不礙野花雜溲然梵唱清鄰磬遠相答
斜陽一揮手路轉見佛塔

梵天寺

佛塔在何許斗折厯墮坻蜿蜒活筆鉸一卷陀羅尼刺天
交屹峙拔地兩崛奇牆匡秋井塌靈鰻無人知復從壞殿
壁摸認青蘿碑詮詩沒榛莽坡韻亦塵緇尋僧縱逸步銜
冷茶煙遲窺顏鏡元鏡亂葉堆荒陂癡龍睡不醒恍惚泉
眼移蒼涼催晚色周覽悽心脾山靈不留人颯爽飄微颺
丹黃忽送望奔赴恐後時

三一巷

後時夫何憂望收身亦到沿緣委巷窮四顧絕鄰保石泉

活眼碧漾漾舞寒藻初從下界看樓閣在林杪澀磴詰屈
穿封徑有密篠肅然天風來低拜石壇掃丈室涵孤清撫
檻縱遐討了了江上山落日銜更好晷短興逾高惜景寸
心悄咄哉葛長庚可惜先我老造興旣未能流眄曷云少
迢迢江路長健欲約歸鳥

過趙一清用東坡梁左藏會飲傅國博家韻

巖巖酒陣朝飛檄兔瓊雞缸紛不一敬容殘客罷周旋特
敕當關脫名籍筵前碁槩鎮相娛絕勝彎弧掣鳴鏑橫窗
秋色弄幽姿疑有花魂呼欲出爲憐十指費詮排相遣雙
螯破岑寂別瑯秀句寫懽悰歸詠聲應出金石

峽山寺

江行屈折不知里今朝眞到峽山趾屏風幾疊列門前彷彿

佛飛來靈鷲似黃茅苦竹紛瓏犀牛潭水清若空舍舟
徑穿側岸入大樹櫺爽搖天風山靈知我愛佳眺導入三
門轉清奧山暉堂界二禺祠帝子仙成瀕尙少振衣搜搜
浚危臺數峰倒影風吹開綠蘿胃壁飛鳥絕枯蘚滿洞清
猿哀玉龍蜿蜒下峻阪蒼雪彌天晝疑晚尋源更渡流香
橋猛見飛流破巖壺崢嶸激響簷鐸暗神魂灑濯毛髮森
孤亭諒少熱客借絕壑疑有蒼龍吟誰遣晶簾遮岫幌拖
落天紳一千丈跳珠濺沫不肯休要使多生首頻仰老僧
對我長眉青花宮寂寞春長扁君不見勞勞塵世少仙骨
難將常語酬山靈

羚羊峽歌

羚羊峽峙端江潯山高高兮水深深山高不見眾木搖櫺

慘但見哀猿跳擲嘯愁霖水深不見碧浪橫鱸鱓但見獻
子擯落椿澱泔佛圖仙觀亦何有遠自太古春愔愔扁舟
乘曉沂空闊支頤太息收孤衾桂以膏自煎象以齒自燁
含珠遭欸大璞剖金錢截尾摧文禽如神巧匠出鄉里日
思推刃眞難誌是誰作箇石製研墨海酣飽金壺斟金星
石末採未足鼉磯雀瓦紛搜尋遠從洮河近黃海劓掘已
徧青霄岑巒荒也復破天巧靈胡高掌穿元霽磨刀霍霍
剗石髓東西坑洞窮雕鏝丁丁逸響徹天外十里如奏邱
中琴分肌擘理恣剗剔譬剖孕腹觀懷婁激淘水府抉
戶山靈含痛愁悲吟腰纏縵入大壑底累夕不獲瞻辰參
雲腴累百不得一癩痕餘潤猶滲淫花青蕉白火輪赤重
之無異雙南金雲中不少大手筆助寫仙篆抒靈襟惜哉

無緣伴子墨輦送九陌娛朝簪我聞地有三千六百軸輻
輳相湊支嶽崱玲瓏瘦骨露豁聞驚濤擊撞洪淋淋猛伐
劇愁地脈絕頽然陀落誰能任嗚呼申甫不世出安知愛
道非天心燠山封水古有禁孰能入告披丹枕聖朝寶人
不寶石深剝巖壁垂來今猙獠鬼斧不敢劈眞官卧守防
闕臨茲山稍得蘇元氣膚寸雲出蒸甘霖金烏跋其陽寒
兔蹲其陰沐浴日月發光怪定能爲國生瓊琳歸眞返樸
有至理耕耨安穩弭災禳皇帝聖壽一萬歲遠與高峽永
永無虧侵

胡三應瑞愛皋亭山水有結廬之願詩以堅之

君如買宅皋亭住須種梅花三百樹樹裏茅堂樹外橋杖
策寒香襲衣履春殘葉大轉陰濃雨過苔黏更盤互鄰叟

來傳補竹方幽禽喚與尋山路煙鐘際暝答村春漁火沿
流破溪霧眼前好景畫難真身外良圖計非誤瓜皮艇小
載琴來相訪柴門月初吐

汲泉日日招僧雛煎茶掃葉秋可娛西林做做響涼雨夾
岸瑟瑟搖青蘆長歌權入藕花去廿里卽是臨平湖湖外
家家秔稻足況有魚蠅兼菱菰長年飽飯一無事不愧識
字耕田夫桃源已迷盤谷迴投老舍此安歸乎看君決計
入寥廓黃鶴搜搜雲間呼

春雨書事用寇忠愍韻

一徑濛濛地端居感寸心亂飄魚火失寒逐野塘深雲闊
迷新樹巖低匿暝禽明朝阻幽興無分策疏林

黃木灣望浴日亭

遙下舟中拜心儀浴日亭曦光終古白海氣一重青鳥立
旌麾肅龍歸草樹腥山川眞浩蕩愁望轉忪惺

題陳元孝遺象

南村晉處士汐社宋遺民湖海歸來客乾坤定後身竹堂
吟暮雨山鬼哭蕭晨莫向厓門去霜風正撲人

秋井苔花漬荒廬蜃氣蒸飛潛雨難問憂患况相仍挂策
非關老裁衣祇學僧淒涼懷古意豈是屈梁能

巢覆仍完卵皇天本至公蓼莪篇久廢薇蕨採應空劫已
歸龍漢家猶祭鬼雄等身遺著在泉下告而翁

嶺海論風雅平生一瓣香曉音動巖壑幽意到羲皇掩卷
驚波定停杯落日黃清高仰遺象肅拜涕霑裳

袁粲能無傳嵇康亦有兒古人誰汝匹信史豈吾欺寂寞

徒看畫蒼涼祇益詩懷賢兼論世淒絕卷還時

同籍有戍遣之事寄詩奉慰

來日何當歎大難生全須信主恩寬三千磧道黃花古一
兩輪蹶素裁寒去國定知無勝餓破家豈爲愛微官東西
南北惟君使好作王程戴斗看

出國門作

西風涼入袷衣輕似促羈人出鳳城雁隔斷雲聯遠陣馬
衝殘月帶班聲湖山待我看秋色驛路從頭問舊名稍喜
漸能除妄想仁祠還證古先生

塵漲都亭失翠微一行風柳撲人飛蝶將曬午先垂翅荷
爲延秋早褪衣七載舊游程可按卅年壯志事全違窮檐
肯負名山業史藁還堪證昔非

書燉煌集後寄顧行人之珽三水

指掌西陲聚米圖巖疆版築集烝徒天開勅勒穹廬遠地
拓瓜沙戍壘孤雞塞夢寒飛錦段雁關烽息闕金符冰霜
詩句賢勞續補入燉煌實錄無

大竿嶺

盪胸力抵江風大雲護行纏上杳冥納日危岡收晚翠倚
天孤障入遙青一竿高下中分界七建回盤此作經九百
江關方厯盡暫拋筇杖拜山靈

送趙一清南歸

此去猶乘薄笨車霜淒風急渺愁予耦耕舊約詞空費作
伴還鄉願又虛淮楚流亡方輾轉江湖耆舊幾乘除平生
一段懷人意爲爾臨歧雪涕書

贈金觀察志章

江上銀濤滾滾催草堂剛對曲江開橫襟坐攬千峰秀放
筆平添萬壑哀海國蒼茫徵故蹟霸圖銷歇出驚才城南
不少豪韓愈服見低頭下拜來

謂朱樟范肇新
丁敬諸宿老

兩鎮雄藩控制長防秋千騎繞邊牆龍門山遠開天險馬
市臺高壓大荒霜戟曉連沙草白蜺旌晴捲塞塵黃風生
坐嘯尋常事難得威稜懾朔方

卅載論交洽紀羣辦香心奉豈徒云狂來我就批鱗集宋
景文有批鱗
集五十篇歸去公傳誓墓文海內清流餘幾輩尊前明
月止三分相逢不用歌難老細嚼黃花話舊聞

梅嶺

絕險誰教一綫通雄關橫截嶺西東攬天路迴盤蛇細拔

地峰奇去雁空戍草亂侵蕭勃壘陣雲遙墮尉陀宮荒祠
一拜張丞相疏鑿真能邁禹功

秋日獨上五層樓望海

千級層梯宛轉過浮雲棲棟下承阿樓船瀨水思楊僕黃
屋蠻荒笑尉陀蜃氣三春侵畫堞騎夷百戰息瑯戈茫茫
漲海東南去極目天涯涕淚多

拱北樓

蕩蕩雙門勢鬱盤危樓直北拱長安蓮花轉漏銅龍咽雲
葉棲簷鐵鳳寒萬里行完初放眼九秋悲後獨憑闌朱明
氣象層霄迴可許孤臣綵筆干

鬱孤臺

丹楓匝岸雙江麗峻嶺環川萬戶開汗漫偶爲乘躡客蒼

涼獨上鬱孤臺層樓飛鳥紫煙度大壑驚濤輞石來漠漠
天風滿歸路旋螺門巷半蒿萊

沙口守潮

潑火微微雨推蓬靜候潮春風斤竹色吹綠過沙腰

沂州道中憶故園梅信

買得梅花手自栽清嚴標格共徘徊荒城古驛人千里一
段生香拗不來

吾家十笏小禪龕清境迢迢夢亦諳底事冰魂斷消息更
無天氣似江南

禹城

鄉人沈君師穎方
罷官一孫頗賢

小市塵稀眼纈明一街寒日築毬聲故人傳說休官處冷
騎蕭蕭過禹城

秋雨

曉起屏山掩畫螺驚風有意撼槐柯空階幾日苔痕合脫
葉飛來雨點多

雨橫風斜晝少歡茅堂高枕軸簾看平階溝水潛通壑鳥
下喧濤更較寒

巖扉過雨發寒皴石色蒼涼不見人偶向翠廊閒倚拍兩
枝紅蓼漾秋鱗

題嚴光傳後

堅卧難教姓氏埋至今嚴瀨有高臺若爲不著羊裘釣更
有何人物色來

一卷尙書受業新買驢給費劇艱辛廬江尙有韓同舍只
說先生是故人

楊度注字勛齋無錫人拔貢乾隆丙辰召試博學鴻詞
授庶吉士改德興知縣有雲逗樓集

鐵柱宮

旌陽遺象肅琳宮
瞻謁森然劍氣雄
一自蛟龍馴海底
便攜雞犬向雲中
神仙不藉還丹力
忠孝甯隨浩劫終
咫尺上清靈寶地
綠章赤牒總無功

陳兆崙字星齋號句山錢塘人雍正庚戌進士官中書
乾隆丙辰召試博學鴻詞授檢討歷官太僕寺卿有
紫竹山房集

王蘭泉曰星齋先生成進士後重入宏詞游登卿寺
侍直上書房兼尹京兆而意致蕭散寢處輒有山澤
間意書法蘭亭取意簡遠梁侍講同書云本朝不
以書名而書必傳者陳文簡公元龍及先生也
詩話星齋久奉屬車多失音進御之作尤詳於塞上
掌故其論詩有云文生於情而文足以達情者莫過

於詩言情之詩又莫善於近體篇祇五十餘字境窄
則難以旋身韻忌用險怪字字少則難以副意有能
稱意以出旋身自如而兼節奏之妙如古之作者
落落不過數人七言律之難如此又云凡爲文初屬
稟不能無病要在痛自割愛治而去之耳

送定北軍出居庸關馬上作

天下九塞此雄北過此回頭望北極駝山虎峪雪初消絕
少丸泥唯亂石亂石荒荒非一形面目敬傾不可識奇鬼
側出不慚醜困獸前奔忽回倥憶到洪鑪鑄物初工成於
此投沙礫無心作壘壘以成付與王公資守國居庸秦置
漢軍都百戰千秋爭失得誰知在德不在險斷碣寒苔半
銷蝕聖朝威德統中外萬里窮荒猶戶闕沿邊蕃部逐行
商驅馬鞭羊出復入那用堆金講市臺免教番上防秋檄
休養蒼生百十年皞皞熙熙忘帝力天驕悖慢從古有軒

后爰勤三駕迹長鯨歸骨遺孽存青海雖殲首未獲前年
 雪帚出金方近見莎車叩漢壁堂堂天宇大包荒豈得關
 門謝窮客又況廟勝洞幽遠一弛一張詎易測征西定北
 分兩道見北知西威燁赫燕山超距上飛梯謂勇健營東海虛
 弦落過翼謂索倫細路盤盤不方軌貫魚唯唯無淹刻韜鋒
 蓄銳靜人聲風旆星旗移曙色我生生計弄柔翰謬尹神
 州殊忝職幸得初從壁上觀監護嚴程奉新勅欣茲節制
 申古法據鞍默卜師行克丈夫五十不為老髀肉空生增
 歎息馬前霜雪馬後花兒女之言休嘖嘖馬後桃花馬前雪出關爭得不
回頭康熙中詩人徐某句

雪獵

雨絲夜散霜風鳴和門送駕曉正晴宿雲未收旋勃興吹

作一色連山橫矯首上界浩冥冥思入圍合隨飛翼帝循
瑤達游玉京琪瑤辟塵光英英浙浙漉漉疑可聽鳥呼獸
噪多寒聲三山素禽來高陵翩然白鳳率以行天龍曼衍
過福庭鱗間領下分光平寒兔抱杵奔圓靈娥阿留影昨
夜經冰柱四合瑰峻嶒詭形殊狀覩未曾銀章皓羽雉與
麋自昔誇瑞今從輕擇凶命處閒量評豹鉤犀跋羣狐抨
誰爲侔色更揣稱天子奇怪別有情麟仁駟義皆告頑對
時祝網七字成陽春和難悚屏營安得承詔如馬卿王恭
謝莊終腐生宮袍霑透獵未能

白檀河過馬

檀州河水如奔雷千山瀑漲爭盤迴方舟渡人不渡馬人
馬競渡聲喧逐飲飛射士逐鳧藻羽林驍騎鞭龍媒投空

撇波一以去嗟呀萬輩河之隈善馬神閒翹足待駑馬氣
奪低頭催常馬辟易不計里驕馬偃蹇頻來回圍人或不
諳馬性願公無渡少徘徊沙頭赤立者誰子塞下勇健伊
爲魁自言百錢過兩馬青銅吾寶金如灰子銀不受解鞍
付與蹇共眇雙挽尾鬣相排推口漬灑灑巨魚避足蹴霜
雪洪濤開六尺無從辨腹脊雙尖未沒時駭鬼有如流沙
自天產貳師拔劍驅銜枚又如牛渚自地出神人執策左
把麾移時爬沙作蟾步倏爾騰上辭沿洄我馬經危猶股
慄何渠作氣殊未衰同人三兩並視此一笑便欲傾金壘
洪鈞鑄物各有用蠢愚何必非良材馬倚此人如良造我
倚此馬猶輿臺大川何嫌徑利涉人馬相得無相猜

重過玲瓏山同皇四子追和倪太僕敬堂韻

君不見木蘭北去路轉東有山不夜如燭龍倘逢西僧問
定是靈鷲峯任爾橫看側看光明同緬昔媧皇巧大圓羅
其胸補虛煉石有模範特留此式標元功又怪神禹迹不
受造物籠巨靈高掌竟未到異穴宛轉棲寒風盈盈玉女
下窺視醜醜山鬼難爲容匆匆還雲夜假宿皚皚陰雪夏
不融素娥纖纖凝黛淺扶桑拂拂懸規重白毫團團頂自
現新磨濯濯奩無封笙簧暗奏窈窕洞睥睨瑰立崇崇墉
條條刁刁噫氣噫閃閃爍爍中星中毛舉眾形似略盡光
矐矐請言其外郭妙與幻化通初從十里之外望突兀炯
若絳綃委蛻落照紅旋自遠而近岩若石梁南畔之偃松
霜零電打青茸茸委蛇黝糾兮生若象鼻舒鉤探束藁荒
涼寂歷兮僵若駝峯埋棘驚仙翁侵尋當面正明日誅若

天關外敞中有宮六甲飛符疑可致五丁神力真毋庸卑

莫若烏道陋莫若蠶叢方當王驅此選勝高張三面凌星

虹因虛其一霍若獸決網可知人事變化侔天工舊傳爲

蹟御製有詩辨其非是蓋天造云前時過此一題句強爲吳語誇吳儂憶

君長篇忽有會濡毫雪幕猶簾櫳時維九月月既望波羅

葉赤逾江楓椽樹或名波羅僧機圖是其本號神堯肇錫曰玲瓏

喜從馬上得險趣回頭笑煞扶衰筇

趙北口題壁

鐵馬金戈迹久陳昇平時節物同春兒終厮養無奇策客

似相如亦賤臣比屋老漁閒挂網拾樵邨媪競擔薪從教

風日酣高樹合遺餘温拂凍鱗

送蔡葛山少司寇告養歸漳浦

迢遙江路白華明，歸思匆匆減別情。燕子翼乾秋社節，嬰

兒風落刺桐城。風自震三峯對酒迎春氣，廿載孤眠聽漏

聲。葛山留眷屬侍賸有故衣珍重，在綫痕密密似臨行。

南天門

嶺路千尋一綫環，沿緣石角緩躋攀。登高宋使孤煙散，唱
凱遼師倦羽還。袖底風翻星漢水，馬前笏插塞門山。我來
平世家中外，不覺行經虎豹關。

古北口題驛壁卽贈吳提戎宜齋

疊鎖重關鞏上都，媧皇削出嶽靈扶。氣吞漠野連天盡，足
蹴潮河望海趨。直北雲黃屯圈馬，出口五十二里迤西月黑
控飛狐。據鞍頗牧今能用，卧護猶應勝壯夫。宜齋時年八十有二

出哨

博帶褒衣出木蘭恭讀御製詩有利門侍立漢九卿褒衣博帶誠儒生相如作賦爾應能回

頭未覺賦才難要將七字欺淫麗大獵王庭侍可汗諸蕃王皆

侍獵相如雖大言豈能及此竊謂只此足壓倒一篇

塞下柳木蘭少見揚柳八九月中葉脫殆盡亦不能辨其何樹也出隋日見殘柳餘綠輒生歡喜

蓋一若之氣候不同如此及入關則彌望青青雖飛葉如絮而萬縷拖抄風流未改是又迥異乎關外矣適有感興為長言嗟歎之

一例秋深落更殘獨饒春意豈無端龍鍾雙袖西風路駐

馬攀條仔細看

青瑣門前一兩行飄蕭墜葉拂衣裳未妨人比秋娘老賸

粉殘膏也自香

折盡高枝與亞枝江潭悽調早秋時只因易得翻無況要

在關山笛裏吹

將名姓與同看

單于獻地空游牧滿谷牛羊化鹿羣不是獵圍秋一舉枉

教大福擁山君

枯龜骨相百無能橫帳居然枕碧層見說小空來自畫自

疑禪榻坐高僧

劉藻初名玉麟字麟兆號蘇村荷澤人雍正丙午舉人

乾隆丙辰召試博學鴻詞授檢討官至雲貴總督有

渡江集

詩話蘇村督雲貴值用兵緬甸贊畫未得當 裕陵以書生未諳軍旅不深責之第左授巡撫蘇村未聞命還引佩刀自刎

瓜洲

落日瓜洲泊春風貼水平片帆揚子渡疎雨潤州城客路

鶯花晚漁村竹樹清大觀樓好在遙對大江明

惠山用東坡和王武陵竇羣朱宿三詩韻

維楫無錫城彌望煙雲蒼遙指惠山界鬱鬱復堂堂故人
具樽酒扁舟如鳧翔芰荷浮秋色帆檣逗山光漸出蒹葭
外霏微聞妙香夙昔林泉興到此不能忘

言入惠山寺不見寺中人石徑松鱗古玉螿泉流新清瘦
森毛骨水石相磨磷酌彼一泓乳滌我萬斛塵散步得勝
概意氣凌高旻澹然忘身世邈與秦初鄰

捫蘿陟東堂空庭布修樾山外午炊熟巖際鐘聲絕颯然
風雨來雲水互明滅那能信宿留夜煮寒泉月爲歎歲月
促逝者如弩發誰是激流人一訪煙霞轍

秦淮

一道秦淮水長橋覓舊蹤無邊衰柳院不盡夕陽鐘人去
三秋夜客逢十月冬空聞船上笛欲訪竟何從

十六日

去歲皇華驛板輿將母歸五更村市月一飯故山薇信寄
江梅報身隨海燕飛又當簫鼓夜千里望庭闈

沈廷芳字椒園仁和人乾隆丙辰召試博學鴻詞授庶

吉士由編修歷官山東按察使有隱拙齋集

詩話椒園為查氏外孫少受詩於初白詠秋夜云薄
病閒身坐小亭鄉心三度見流螢水雲涼到庭前樹
一夜秋聲帶雨聽極賞之以父宰文昌坐事戍甯夏
歲往省視極行役之苦嘗有詩云秋生紅豆辭南園
春到青銅赴朔方青銅塞上山也又云雲影有心隨
望眼淚痕和綫上征衣後事方望溪為古文所作一
準繩墨無
顛續之累

甲申四月朔重游鼓山

春光三月駛嵐翠萬重深選勝得清境相於探遠岑瀑飛
分練影籟發和龍吟卻憶殘秋日登高豁朗襟

飲杭大宗丁香花下

墊枝花又垂垂發走馬來看笑退之綺席乍鋪賓不速瓊
英相對酒嫌遲香生斜日溫風候開占春深夏淺時爲報
流鶯傳好語玉堂景色勝前期

題侯元經天姥圖次胡稚威韻

曦光眞同赴壑蛇身墮塵海無津涯名山之約十年負清
游空繫白鼻騶夢魂忽忽到天姥山耶雲耶路半遮雲衣
逢逢化黃鶴山陂疊疊披青霞野水無人起光怪匹練旋
見金背蟆天門談蕩迴鸞車卻入迂徑多書花涼風蕭蕭
吹我醒檐前松月枝橫斜晨坐孤亭依樹杪庭宇窅深客

來少諸翁囊手提一幀畫開言首道侯生好吾知生也天下才奇崛文章冰雪抱卽觀此圖見性靈塵垢難侵空翠繞峭然坐我天姥下對之恨未識生早野鹿山麋本寡儔兩心契合堪絕倒丹梯百丈凌清都福地洞天何處無與生久客胡爲乎驚沙眯目時模糊生旣居山與山別卧游日日攜此圖盍學叔迨且遠去持竿大澤隨鷗鷺不然思報信陵恩慷慨夷門法乃祖我惜時無眞豪雄愛才詎少昌黎公筆搢五嶽那終窮肯豔春碧輕秋紅麻鞋亦登天子殿仙骨自到蓬萊宮他時卻恐置身崑閩頂回望天姥一氣青濛濛

送趙漢忠進士歸常熟兼柬次山前輩

喜君歸卧年方艾廿六年間客帝城一第艱於孟東野高

文欲準漢西京尙湖雪淨村如畫虞麓春來地可耕若過
閉門王侍御道余頻感別離情

陳士璠字魯章號魯齋又號泉亭錢塘人乾隆丙辰召
試博學鴻詞授庶吉士改戶部主事歷官瑞州知府
有夢碧軒詩鈔

詩話魯齋廉而狷工醫官戶曹時貴有以醫召者謝
不往坐是淹滯十年始得調詩初擬三唐晚乃出入
白蘇黃陸直抒胸臆而自具風格

山行

紆曲疑無路蒼茫別有天橋欹藤蔓絡磴斷草痕連嘯鳥
破山雨落花香澗泉風塵慚俗吏徙倚暮雲邊

蜀江

順流直下瑞陽城盪槩橫溪自在行楊柳如煙春似夢落

花時節近清明

齊召南字次風號瓊臺晚號息園天台人雍正己酉副貢乾隆丙辰召試博學鴻詞授庶吉士散館授檢討

官至禮部右侍郎有寶綸堂詩鈔

詩話次風侍郎博學強記於書無所不讀詩特其餘事耳阮文達云作詩之道不可不本諸學問侍郎之詩不必盡見其學而論學問者轉可以侍郎之詩見之其詩皆沈博絕麗宏偉秀彥非山澤之臞可比蓋所積者厚故流者光也

題畫用康樂道路憶山中韻

繡壁濺羣瀑合飛勢漸緩水口迴層巒峭削如岸斷茅茨四五家籬落曲以款幽人此間住好風滌煩懣桃源理或然奧區事非誕繞徑柳蕤蕤依牆棗纂纂接筒引流長疊石架橋短孤亭當翠微脩竹森千筍遠岫靄微嵐鳴禽樂

暄暝飄飄搗琴客巾屨亦閒散問渠胡不彈清音勝絲管
新昌道中

窈窕溪山畫不如行游況值雁來初霜前隴色開茅屋煙
外春聲度筍輿竹笕引泉分雪灌麥畦梯壁帶雲鋤劉門
道是劉郎宅風物真疑漢代餘

赤城猶在碧峰南曉霧渾疑夢裏探難得天雞呼海日但
看風竹寫空潭煙霞枕席人千古鐘鼓晨昏佛一龕應笑
郵亭迎過客勞勞來去幾停驂

山陰

鏡中看竹樹人地總神仙白玉長隄路烏篷小畫船有山
多抱墅無水不連天朝暮分南北風猶感昔賢

繞門山

初陽軒於洞庭張廣樂牙來海上愁混茫風琴恍忽變清
操總合大雅殊淫傷草堂主人天下士撐胸拄腹經與史
礪柯共笑和長輿爽健端如李元禮眼中那有桃李顏門
前洗盡箏琶耳日就松陰閒徒倚讀破萬卷讀未已砍節
然膏五夜過取枝作籥千徧記著述自足豪古今况占西
湖好山水每聽謾謾獨欣然客來驚問何爲爾與公貞白
性所喜得意忘言堪舉似三四年來幽興隔長安僦屋囂
近市徒寄夢寤游故園夢迴又逐雞鳴起八磚影候花廳
趨萬壑聲開圖畫裏手持素紙索我歌爲我研墨拂塵几
我披圖畫幾徘徊我家老屋傍瓊臺碧海霞映赤城曉芙
蓉花插青天開國清十里鎖煙霧石梁三樹凌崔嵬此皆
自昔紀仙佛漢柏唐槐行輩推鱗甲之而森搏攫羽毛整

頰舞瑤璣畢宏張璪畫不到色兼紫翠凝錦苔飽聞咸漢
廿餘載對此還作家山瀟灑無點埃日日車馬胡
爲哉蟹眼鎔熟茗一杯君思武林我天台

花朝值春分節慎齋先生招同金琢章和錢勉耘本

誠

張南華

鵬辨

三前輩胡雲持

天游

王濟川

會汾

兩同年及令弟晴川禮部士隨集承露堂次南華

韻

半春橐筆走東華時典朝衣付酒家折簡忽煩前輩字插
餅初見數枝花談深玉局翻仙譜渴想金莖試露芽應爲
主人吹律暖玳簾開處燕飛斜

芳樽端不負花朝共有心情望古遙元解千言揮麈尾新
詩幾束比牛腰自緣春事思江閣因畫名山問石橋布韞

青鞵行料理翦燈重與話清宵

春日山行

木杪開青澗巖跟出綺村梯田高接屋碓水曲侵門芝草
蟠雲葉松花漲雨痕若將漁棹入甯異武陵源
石勢趨丹壑鐘聲隱翠微穿雲籬筍直帶露藥苗肥香麝
游樵徑春鋤立釣磯正看農務急閒客亦來稀

濟甯南池杜工部新祠詩爲沈椒園同年作

太白酒樓何破磯檻前坐見千檣過南池故是少陵蹟可
憐野水環陂陀記我年前步池上正逢泥滑愁雙鞵東嶽
之雲羃列岫城隅溝洫成黃河高槐疏柳半臨水人家戶
外聯扁舸今年十月重到此忽覺勝概清羅羅池隄旣類
綵虹偃池水亦似青銅磨幡幡老樹雜新樹葉雖落盡留

枝柯三間瓦屋照寒日門榜高揭字學窠問誰爲此祀工
部座斲山骨陳象犧守祠老人說顛末昔歲使者來仁和
東陽裔孫癖好古南池百度停驂駟歎息杜公舊游地無
人構屋理則那捐金誅茅闢荒穢架木築土成槃邁高齋
西蜀非一處此添東郡新行窩伐石刻詩置兩壁俾傳久
違期無他雜時落成值孟夏花葉旖旎紛芰荷瑤觴進拜
巫屢舞蒲牢殷地膺靈鼉彷彿鄭公出小隊林間絡驛鳴
珠珂風湍水檻映冠蓋一州人士來奔波共詫草堂得壯
觀竟與酒樓齊業峩瘦容骨立尙戴笠無乃飯顛還譏阿
我知沈侯有深意非爲閒眺蠲煩苛風騷以降作者眾大
海詎計蚌與螺有唐獨見兩夫子光燄萬丈爭義娥囊括
百家奮鉅筆俯視餘子眞么麼况論忠愛出肺腑詩仙又

遜詩王多流離渾忘身凍餓但愁海宇森干戈萬間廣廈
豈虛語得志應起生民疴篇篇立意追大雅不止逸藻媿
汨羅稷契心期合俎豆使私所好原非阿精神千載倘記
憶應招太白同吟哦當時嗜酒今得地官河酒旃馳輕艇
岱山迢迢拱戶牖朝霞朗對朱顏酡堪笑主簿附享祀姓
許名字知誰何沈侯沈侯好文墨眼見醉草迎神歌他年
有客考古蹟定撫碑刻千摩挲

潞河秋風行送萬三葆青歸宜興

潞河一夜吹秋風岸沙飛走旋轉蓬蒲帆百尺挂大舸我
友萬子歸江東萬子江東何所住云占林泉最幽處荆溪
一燈明玻璃影寫銅官萬行樹正趁橙黃橘綠時鱸魚入
膾伴蓴絲初脫朝衫理游棹秋來何地不相宜但惜聲名

滿天下一時史筆推班馬竟將著作老名山握別人人淚
盈把萬子胸中故浩然早看富貴等雲煙諸公歎息何爲
者我自鄉園樂靜便家藏鄴架高連屋自來三徑留松菊
尙書清德好詒謀愛坐林邊課耕讀古稱有子萬事足佳
兒況是連城玉卽今十歲吟鳳凰館閣耆儒多刮目此日
攜兒向潞河一船明月照詩多歸去荆溪如見憶莫忘尺
素來京國

周長發字蘭坡號石帆浙江山陰人雍正甲辰進士改
庶吉士授廣昌知縣乾隆丙辰召試博學鴻詞授檢
討厯官侍講學士有賜書堂詩集

詩話石帆詩才敏捷曾賦覺生寺大鐘
歌應制稱旨有和蘇詩百餘首已散佚

玉女峯

甫越明星峯探奇尙有意玉女啟瓊窗亭亭在天際桃花
駐丹顏到老未憔悴何以葆厥眞眾妙通元祕我生入塵
網應爲羣仙棄偶爾雲中游超然霞外寄松竹作笙簧恍
如天樂沸攜手五龍君且學希夷睡

過縉雲縣

瀑布灑面吹涼風亂山一綫通人蹤低頭偏仄入崖谷惟
見峽猿石鼠叫號騰擲攀剡松嶂迴剛絕十步九顧疑無
路浮嵐杳靄春濛濛劈開縣門兩扇窄疑是鬼選非人工
更見殘碑斷碣埋沒荒榛下漫漶字畫難鏤窮自笑一官
類么麼天遣墮落層巖中身鄰虎豹踏蛇蟒青磷黑箐蜀
道之難將毋同飢驅眞覺性命賤又東五百里入馮夷宮

春日寄家兄懷鳴

自惜春如水無人慰索居鶯花將盡日兄弟幾行書方朔
飢猶耐維摩病未除鐘聲長樂起鄉夢尙遶遶

女郎廟

纔逾子午谷又過女郎祠水折縈蠶尾山深叫畫眉無情
雲去遠有恨月來遲誰奏迎神曲靈風滿桂旗

故城

暮鴉接翅月黃昏雉堞荒涼葉打門無復雄關屯虎旅卻
從秋草送烏孫戍樓基在空旗影畫角聲沈斷客魂醉尉
不須嚴夜禁故將軍有幾人存

蒲州晤項芝亭司馬

判袂東華一賦詩微雲如黛影離離河聲蒲坂迎珂馬山
色中條對畫旗秋館夢尋欹幘地春風車過卸鐙時棠陰

到處聞與誦不待逢人說項斯

朱荃字子年號香南桐鄉人乾隆丁巳補試博學鴻詞
授庶吉士散館授編修有香南詩鈔

湖上送家兄入都

幽鳥喚春春又闌六橋煙柳簇征鞍客途再到悲歡異樽
酒相逢去住難五夜雞聲驚昨夢連朝花信破輕寒停鞭
不盡蟬聯語回首高城夕照殘

放榜之前夕示諸分校

珠沈海底費搜羅深夜然犀照碧波寄語羣公高著眼青
衫明日淚痕多

張漢字月槎石屏人康熙癸巳進士改庶吉士授檢討
遷河南知府乾隆丁巳補試博學鴻詞復授檢討遷

御史

詩話月槎守河南行縣過宜陽有甘棠若因補植棠
十三本以存古蹟一時題詠甚眾既罷歸復舉大科
重入詞館年七十餘矣改諫議乞歸胡稚威
為序送行稱其夷直茂厚過中州士大夫云

秋夜

煙深卧閣草凝愁冷夢驚回幾度秋懸壁四山雲上下隔
簾一水月沈浮翩翩影落飛鴻雁皎皎光寒靜斗牛前路
客歸螢點點邊城夜火似星流

張南華庶子進春林澹藹圖題六絕句其上御製用

韻賜題徵詩紀榮遇仍用原韻 錄二

拜領宸章雲漢垂喜瞻文采動堯眉春城佳氣氤氳裏侍
史承恩對闕時

羨君好句似唐求溫語如春出鳳樓我有賜書無賜硯自

須染翰就螭頭

晚晴移詩匯卷七十一終